

CUMÜN DA SENT



Il mas-chalch da Sent

Publicaziuns ufficialas. Cumpara seguond bsögn.

2012-2014

no. 35

7554 Sent, 8 october 2014

Vendita dals bigliets dal Vereina a partir dal 2015

Ils büros d'info da giasts (Gäste-Info) vegnan incumbenzats culla vendita dals bigliets dal Vereina e quai a partir dals 1. schner 2015.

Quatras as vuless infuormar in fatschenda sco segua:


- A partir dals 1. schner 2015 vendan ils büros d'info da giasts ils bigliets dal Vereina (Tarasp sto amo decider lasupra)
- Ils bigliets dal Vereina pon eir gnir retrats pro'l servezzan d'abitants dal cumün da Scuol.
- Per cumprar ils bigliets esa da muossar la carta d'indigen (carta cotschna). Ils büros d'info da giasts nu pon far ingünas excepziuns.
- La carta d'indigen vain emissa dal servezzan d'abitants (fin als 31 december 2014 in mincha cumün e davent dals 1. schner 2015 pro'l servezzan d'abitants a Scuol). ***Id ais indispensabel da manar per quai la fotografia.***

Cussagl cumünal
Administraziun cumünala

**Arrandschamaint public - organisà da la scoula da Sent
28-10-2014 / 19.00 / sala da gimnastica**

M i l l e r t h e K i l l e r

con Conny Corretto



**accumpognan live al clavazin
films müts da**

**Sten Laurel ed Oliver Hardy ...
entrada gratuita**

Proget da chant

Scha l'interess es avantman organisaina eir dal 2014/2015 ün proget da chant per creschüts culla partecipaziun da la 5 e 6avla classa da Sent. Sco culminaziun vaina previs da prodüer noss resultats in fuorma da concert illa baselgia da Sent (data: **sonda, 30 mai 2015**).

Program:

"Sül tschêl gnanc'üna nüvla" - chanzuns dal muond

(Cielito Lindo, La cucaracha, Hava nagilah, Tum Balalaica ...)

Las prouvas (4 blocs a 6-8 prouvas) han lö il lündeschdi saira (20.15-22.00). I dà in mincha cas singulas prouvas cumünaivlas culs scolars suot la guida da **Jachen Janett** chi dirigiarà eir il concert! No gnis accumpagnats al clavazin da **Stefano Sposetti**. Las parts solisticas da chant ha surtut **Katharina Mayer**.

Prüma prouva cun orientaziun: lündeschdi, 20 october 2014 / 20.15 scoula (saletta)
Gianna Bettina Gritti, Rita Nuotclà ed Andri Gritti

Püschain per duonnas cun referat

In **sonda, ils 8 november 2014** ha lö sco minch'on darcheu il püschain da duonnas popular a Scuol. Davo ün bun püschain accumpognà cun musica e chant referischa duonna Yolanda Hege davart il tema : «Frau sein.....blühend leben»

Yolanda Hege es maridada e mamma da 5 uffants creschüts e viva a Seewis.

« Pro quist titel am metta avant ün bös-ch, grond e ferm sün ün prà tuot in flur. O duonnas attractivas, fermas e persvasas da sai svess, chi fan recloma per tuotta sorts prodots illa televisiun. Famiglias cuntaintas, chi rian e's rodlan sulla prada. La vita püra !

Il bös-ch ha eir otras fassettas. D'inviern e'l sainza föglia, sainza vita, sta sco ün spiert aint illa tschiera.

Uschè sco cha'l bös-ch as müda dürant l'on, as müda eir l'uman, saja quai tras influenzas da caracter, tras destin, tras experianzas noschas illa vita e bleras otras robas pü.

Esser duonna s'ignificha dad ir tras tuot las stagiuns da l'on. Saja quai in las differentas rollas dal minchadi ; sco amia, sco figlia, sco mamma, sco manadra da gestiun etc.

Co poss eu sco duonna mantgnair meis humor, meis « Charme », mia vita in flur?

Co ir intuorn cun ün cuolp da destin? Co metter manster, chasada e famiglia suot ün tet?

Tras quist referat, trafile cun agenes experienzas ed oters purtrets characteristics da duonnas, giarat a chasa rinforzadas e conscientias dad üna gronda richezza, nempe quella : dad esser duonna ! »

Al püschain chi ha lö da las **08.30h fin las 11.00h** illa sala polivalenta da la Chasa Puntota a Scuol sun invidas duonnas da minch'età. Pels uffants ais organisà ün servezzan da chüra cun üna pitschna mareda (collecta libra).

Organisà vain l'arrandschamaint da differentas duonnas da las baselgias naziunalas e libras.

Annunzhas piglia gugent incunter fin venderdi, ils 7 november 2014 a las 14.00h, duonna Jolanda Thanei, telefon 081 858 59 64 o 079 193 30 36. Cuosts fr. 22.-- / persuna.

**Società dal püschain
da duonnas**

Nus tschertschain üna forza da pulizia

Per noss'abitaziun da vacanzas a Vidos, Sent tschertschaina üna forza per laviors da pulizia. I's tratta d'ün pensum da ca. 8 jadas l'on, la sonda obain suvent eir pussibel dürant l'eivna.

Christiane Ott, Vidos, 7554 Sent / (tel. adressa da chasa – 071 – 841 41 83).

Christiane Ott

Grotta, bar ed exposiziun (a Schigliana) avert mincha mardi e sonda da las 17:00 fin las 19:00

Exposiziuns:

4 october – 21 october: **Lavur da proget** da la scoula e scoulina Sent cul tema **Peider Lansel**

25 october – principi schner: Ouvras da **Constant Könz**

Ocurrenzas:

Venderdi, als 3 october, 20:15 (aint il Piertan, entrada CHF 25.-)*

Comme Dieu en France – ün viadi musical tras Frantscha cun **Zephyr Combo**

<http://www.zephyrcombo.ch/musique>

Venderdi, als 17 october, 20:15 (aint il Piertan, entrada CHF 25.-)*

Balduin Bählamm, der verhinderte Dichter (von Wilhelm Busch, mit inspirierend-bissigen Kommentaren seines Lieblingsphilosophen Arthur Schopenhauer) – da e cun **Vera Bauer** (pleds, chant e violoncello)

<http://www.verabauer.ch/>

Sonda, als 25 october, 17:00 - 19:00 (a Schigliana, entrada libra)

Vernissascha da l'exposiziun dad ouvras da **Constant Könz**

Sonda, als 25 october, 20:15 (aint il Piertan, collecta)*

Ragischs ed Alas / Radici e Ali / Wurzeln und Flügel – Marcella Pult preschainta sia monografia davart l'artist Constant Könz (l'artist sarà preschaint).

Gövgia, als 6 november, 20:15 (collecta)

Poesias dals prüms pleds dad Angelika Overath (moderaziun Esther Krättli)

Vendita da bigliets a partir da las 19:30 a Schigliana

*Reservaziun da pazzas il di avant da las 17:00 fin las 19:00 (079 439 89 22)

